

參河 遠江 近江 美濃 若狹 越前 加賀 丹波
 播磨 美作 備前 備中 備後 伊豫 讚岐 土佐

右式云、國內官稻數少、出舉雜用不足者、預前申官聽當年租收額、諸封戶租亦聽收額者、諸國須出舉雜用不足、以收額者、先申其狀、隨裁收之、而偏見式文、輒稱徵額、不行大糧、無充封租、其尤甚者、不勞言上晏然平居、雖加譴責、再三申請、爰事不獲已、開不動倉、行大糧料、以正稅穀充封租代、公損之甚、莫過於此、左大臣宣奉勅宜、仰件等國別加制止、若妄稱徵額不待本色者、處之重科、不會寬宥、

延喜二年三月十三日

進私穀充大糧

〔扶桑略記二十三〕延喜六年五月廿三日乙亥、播磨明石大領赤石貞根、叙外從五位下、是進私穀五千石、依充諸司大糧也、

給大糧

〔享祿本類聚三代格六〕太政官符

應給時服并番上糧米事

史生四人 時服二人 糧（糧下恐脫米字）二人 各日白米一升

笛工八人 笛生六人 歌人卅人

合五十二人 糧米廿人 各日白米一升

大同四年四月一日○詳具三
服篇二

〔延喜式三十九〕膳部卅人糧、白米人別日一升、鹽一勺、仕丁十七人糧、黑米人別日二升、鹽二勺、膳部卅人給衣服、

仕丁十七人、紺布衫一領別二、調布袴一腰別七、調布帶一條別長八尺、四寸、中割、三年一請、

不給大糧

〔類聚符宣抄六〕大納言右大將藤原卿宣、左史生大海保平、右史生百濟玄來、使部高篠清蔭等、不給俸料、多經日月、宜警將來、殊可勘免之由、仰辨官已了同知、此由請官俸料符者、